



FWD Accidental Death Benefit Rider

Get ready to live
fwd.com.my | 1 300 13 7988

FWD
takaful

FWD Accidental Death Benefit Rider

Kemalangan yang menimpa barangkali kecil atau mungkin mengancam nyawa. Anda perlu merancang kewangan anda bagi menghadapinya.

Tahukah anda bilangan kematian akibat kemalangan yang melibatkan pengangkutan merupakan salah satu di antara 5 punca kematian tertinggi di Malaysia?

Dalam kes kematian akibat kemalangan, segalanya berlaku dengan pantas. Keinginan akhir kita mungkin tidak akan menjadi kenyataan kerana ia tidak diduga dan disangka. Dan anda mungkin akan meninggalkan urusan yang belum selesai. Seperti siapa yang akan membayar bil hospital anda? Apakah keinginan anda di saat-saat terakhir? Bagaimana jika anda meninggal dunia di luar negara?

Kami tahu anda tentu ingin meninggalkan legasi yang selesa tanpa membebankan orang lain. Ia bukan sekadar angan-angan, ini sebabnya kami memperkenalkan FWD Accidental Death Benefit Rider.

Rider ini menawarkan cara untuk memastikan semua perkara yang penting akan diambil kira apabila tiba masanya. Contohnya seperti memastikan sebarang kos melibatkan unit rawatan rapi (ICU) telah diambil kira, atau meninggalkan sejumlah wang bagi tujuan derma kepada badan kebajikan pilihan anda, atau bahkan membawa pulang jasad anda jika anda meninggal dunia di luar negara.

FWD Accidental Death Benefit Rider menawarkan cara yang ekonomik lagi bijak untuk meningkatkan perlindungan anda secara menyeluruh. Anda boleh memilih untuk melampirkan rider ini kepada pelan asas anda pada bila-bila masa, anda hanya perlu memilih tahap dan jangka masa perlindungan yang anda inginkan.

Manfaat anda sepintas lalu

Manfaat-manfaat berikut dibayar daripada dana risiko peserta anda.



Manfaat kematian akibat kemalangan

Kami akan membayar 100% daripada jumlah dilindungi rider jika orang dilindungi meninggal dunia akibat kemalangan. Sebaliknya, jika orang dilindungi meninggal dunia akibat kemalangan ketika menggunakan pengangkutan awam di dalam Malaysia, kami akan membayar 200% daripada jumlah dilindungi rider.



Manfaat perbelanjaan unit rawatan rapi

Jika orang dilindungi meninggal dunia akibat kemalangan, kami akan membayar jumlah sehingga RM5,000 sebagai bayaran balik untuk perbelanjaan unit rawatan rapi (ICU) yang berkaitan dengan rawatan terhadap orang dilindungi akibat kecederaan yang dialami daripada kemalangan tersebut.



Manfaat kebajikan masyarakat

Jika orang dilindungi meninggal dunia akibat kemalangan, kami akan membayar RM5,000 bagi pihak orang dilindungi kepada badan kebajikan yang diluluskan oleh kami.



Manfaat penghantaran pulang

Jika orang dilindungi meninggal dunia akibat kemalangan di luar Malaysia, kami akan membayar jumlah sehingga RM5,000 sebagai bayaran balik bagi perbelanjaan membawa pulang jenazah ke Malaysia.

Perkara penting yang anda perlu tahu

Bila kami tidak akan membayar sebarang manfaat

Di FWD, kami tidak percaya dengan senarai klausa yang panjang lagi tersembunyi yang menghalang kami daripada membayar manfaat kepada anda. Jadi kami telah meringkaskan senarai pengecualian kami kepada 2 kriteria:

Tindakan menyalahi undang-undang

Kami tidak akan membayar sebarang manfaat di bawah rider ini jika tuntutan timbul kerana anda atau orang dilindungi dengan sengaja terlibat dalam perbuatan yang menyalahi undang-undang, atau kegagalan untuk bertindak yang menyalahi undang-undang.

Peperangan

Kami tidak akan membayar sebarang manfaat di bawah rider ini jika tuntutan adalah hasil daripada tindakan perang (sama ada diisytiharkan atau tidak), rampasan kuasa, revolusi, rusuhan, atau apa-apa kejadian yang sama.

Bagaimana kami memastikan ia adalah patuh Syariah

1. Kami menguruskan sumbangan anda dan operasi takaful kami berdasarkan kontrak Syariah wakalah, dan dipantau oleh jawatankuasa Syariah kami.



Takaful adalah satu skim saling bantu-membantu berdasarkan semangat persaudaraan dan solidariti di mana anda dan peserta lain bersetuju untuk membantu sama lain dari segi kewangan jika salah seorang daripada anda mengalami kerugian tertentu.

2. Sumbangan yang anda bayar untuk perlindungan di bawah sijil anda adalah tertakluk kepada yuran wakalah.



Wakalah adalah perlantikan oleh satu pihak kepada yang lain untuk bertindak bagi pihaknya.

3. Kami membayar sumbangan anda, ditolak yuran wakalah, ke dalam dana risiko peserta (PRF) kami sebagai tabarru'. Dana di dalam PRF akan digunakan untuk membayar manfaat kepada pihak menuntut yang berhak mendapat manfaat berdasarkan:

- perpaduan persaudaraan dan tolong-menolong di kalangan peserta; dan
- tertakluk kepada semua terma dan syarat dalam rider ini.



Tabarru' adalah derma bagi tujuan takaful.

4. Sekiranya PRF menunjukkan prestasi yang baik, kami akan menerima pampasan 50% daripada lebih sebagai Ju'alah dan baki 50% akan diagihkan kepada peserta.



Jika nilai PRF tidak mencukupi untuk membayar tuntutan, maka kami akan membayar Qard yang merupakan pinjaman kebajikan tanpa faedah kepada PRF.

Jika anda berubah fikiran

Jika anda tidak berpuas hati dengan sijil anda, dan anda belum membuat tuntutan di bawahnya, anda mempunyai 15 hari dari tarikh penerimaan sijil anda untuk membatalkannya dan menerima kembali sumbangan anda, ditolak perbelanjaan perubatan (jika ada).

Jika anda tidak membayar sumbangan anda yang perlu dibayar

Anda perlu membayar sumbangan rider bersama-sama dengan sumbangan pelan asas mengikut tarikh yang perlu dibayar. Kami memberi tempoh tangguh selama 60 hari untuk bayar.

- Jika pelan asas tidak mempunyai akaun simpanan peserta dan jika anda belum membayar jumlah sumbangan penuh yang perlu dibayar, kedua-dua pelan asas dan rider anda akan tamat selepas tempoh tangguh.
- Jika pelan asas anda mempunyai akaun simpanan peserta maka kami akan menolak jumlah tabarru' yang perlu dibayar selepas tempoh Tangguh daripada akaun tersebut.

Jika anda tidak mempunyai dana yang mencukupi dalam akaun simpanan peserta anda untuk membayar tabarru' rider dan sijil anda, kedua-dua pelan asas dan perlindungan rider anda akan tamat.

Perkara penting yang anda perlu tahu

Manfaat matang atau penamatan

Tiada manfaat matang atau penamatan akan dibayar daripada dana risiko peserta.

Manfaat serahan

Untuk opsyen bayaran selain daripada bayaran berkala, kami akan mengembalikan sebahagian daripada sumbangan yang telah dibayar apabila pelan diserahkan. Sila rujuk kepada ilustrasi manfaat anda untuk memahami jumlah layak bagi setiap tahun.

Kelayakan untuk penyertaan begitu mudah

Warganegara Malaysia atau pemastautin tetap
Syarat kelayakan umur orang dilindungi:

Orang utama	Umur yang melayakkan anda memohon untuk perlindungan	Umur tamat perlindungan
Pemilik sijil	Haruslah berumur antara 17 hingga 65 tahun.	-
Orang dilindungi	Haruslah berumur 1 bulan hingga 65 tahun.	Pada umur 75*

*Bergantung kepada umur matang yang dipilih, tertakluk kepada tempoh sijil minima selama 5 tahun.

Nota: Umur merujuk umur hari lahir berikutnya.

Berapa caj wakalah pendahuluan yang perlu dibayar

Tahun sijil	1	2	3	4	5-10	11+
*Wakalah%	70%	55%	55%	40%	25%	10%

*Caj ini adalah berdasarkan rider dengan tempoh sumbangan berkala 20 tahun atau lebih. Untuk tempoh bayaran sumbangan yang lebih pendek, caj yang lebih rendah akan dikenakan.

Tempoh perlindungan

Minimum – 5 tahun

Maksimum – apabila orang dilindungi mencapai umur 75
(hari lahir berikutnya)

Berapa yang anda sumbangkan

Sumbangan anda bergantung kepada kriteria berikut untuk semua ahli keluarga yang dilindungi di bawah sijil ini:

Umur	Jantina
Pekerjaan	Jumlah perlindungan
Kekerapan bayaran	Tempoh perlindungan

Ia juga bergantung kepada opsyen tempoh bayaran sumbangan yang berbeza:

Opsyen bayaran

Bayaran berkala	10 tahun bayaran terhad
15 tahun bayaran terhad	5 tahun bayaran terhad

Sebagai contoh, seorang lelaki berumur 30 tahun yang bekerja sebagai pengurus pejabat akan membayar RM60.83 setiap bulan untuk jumlah perlindungan sebanyak RM500,000 untuk 20 tahun.

Nota Penting

1. Risalah ini tidak membentuk kontrak antara anda dan FWD Takaful Berhad. Terma dan syarat lengkap dinyatakan dalam dokumen sijil.
2. FWD Accidental Death Benefit Rider bukanlah produk simpanan atau pelaburan. Anda tidak akan menerima apa-apa wang dari sijil ini selain daripada manfaat kematian akibat kemalangan.
3. Anda layak mendapat pelepasan cukai individu apabila anda menyertai pelan ini, tertakluk kepada terma dan syarat Lembaga Hasil Dalam Negeri (LHDN).
4. Anda perlu berpuas hati bahawa pelan ini memenuhi keperluan anda dan sumbangan yang dibayar merupakan jumlah yang anda mampu bayar.
5. Untuk maklumat lanjut mengenai yuran, caj dan butiran lain, sila rujuk kepada Risalah Pemberitahuan Produk dan Ilustrasi Manfaat yang dikeluarkan oleh ejen kami.

Tentang FWD


Ditubuhkan pada tahun 2013, FWD ialah cabang perniagaan insurans kumpulan pelaburan, Pacific Century Group. Hari ini, FWD merentasi sembilan pasaran di Asia dan salah satu syarikat insurans yang paling pesat berkembang di rantau ini.

FWD memberi tumpuan dalam mewujudkan pengalaman pelanggan baru dengan produk-produk yang mudah difahami, disokong oleh teknologi digital.

Melalui pendekatan berteraskan pelanggan, FWD berhasrat untuk menjadi syarikat insurans pan-Asia terkemuka yang mengubah perspektif pelanggan terhadap insurans.

FWD Takaful Berhad merupakan Pengendali Takaful yang berdaftar di bawah Akta Perkhidmatan Kewangan Islam 2013 dan dikawal selia oleh Bank Negara Malaysia.

Untuk maklumat lanjut, sila hubungi:



FWD Takaful Berhad, No. Pendaftaran 200601011780 (731530-M)
Tingkat 29 Menara Shell, 211 Jalan Tun Sambanthan,
Brickfields, 50470 Kuala Lumpur Malaysia

fwd.com.my | 1 300 13 7988

Semua maklumat adalah tepat semasa cetakan pada April 2019.

AHLI

